

## La schlatteina HENDRY

Auturs: Vic Hendry, Tarcisi Hendry, Beni Hendry

Il cudisch present dalla schlatteina HENDRY ei vegnius squitschaus en 300 exemplars numerai e signai a maun dils auturs. L'ovra cumpara cun caschun dils treitschien onns dapi la naschientscha da Franciscus HENDRY (1694–1756).

### Preambel

Enten ir suenter a tut quellas caussas maneclas dalla genealogia cun il num HENDRY ein las marveglias ed il cudez vegni grond. Davontier stat il svilup dalla schlatteina en la Val Tujetsch. Ils logs dils vischinadis da Surrein e Cavorgia serepetan adina puspei danovamein. Entochen viaden el vegnavel tschentaner ei la derasaziun stada eifer las stagias. Bunamein enina ein las grondas casadas seslargadas ed ils loghens dallas uclivas da Maunsut han buca dau il damogn; ina entira partida dils vegnantsuenter ei setratga ordeifer. Aschidadir ch'ins anfla tscheu e leu ella Svizra bassa descendents dalla schlatteina HENDRY.

Duront las retschercas ha la lingia HENDRY da Breil fatg smarvigliar. Quella sromaziun ch'ei stada en sesezza pli exprimida e possedenta; ella ei svanida enteifer l'emprema mesadad dil schotgavel tschentaner.

Era sch'ils Scots en Scozia che senumnan HENDRY ein dalunsch ed han matei struschamein da far ina miula cun nus auters, vala ei auncallura la peina da saver enzatgei da lur andament. Las famiglias HENDRY en Scozia ed ell' Engheltiara han giu in plaid el capetel da lur tiaras; naparts dalla gronda descendenza ein emigrai en l'America ed ell'Australia.

### Tujetsch

Tujetsch (documentau el temps miez cun: Thiuesch e Tivez) sesanfla sisum la Cadi. Il territori cumpeglia 133.9 kilometers quadrat che serasan da Garmischeras tocca sigl ault dil Cuolm d'Ursera. Il Rein che va atras la val sparta la cuntrada en duas parts, numnadamein:

Maun Sura

Maun Sut

La vart da maun sut ei pli umbrivauna; ton che Surrein e Cavorgia ein plitost mess ell'umbriva ed ils dus vitgs stattan sils urs. Sedrun e Camischolas e Rueras perencunter seslargan sin morenas suleglivas. Il svilup dalla val ei buca sefatgs enina. La cuort da Tujetsch s'auda tier la Cadi (Casa Dei) ed ei stada sut la claustra da Mustér entochen ch'ella ei secumprada ora.

### Dapi

- 1205 ei la pervenda da Thiuesch (Tujetsch) sin sesezza; la baselgia a Sedrun ei dedicada a sogn Vigeli. Igl aspect dad oz ha la baselgia dapi igl onn 1691.
- 1237 en in marcau dalla claustra da Mustér dat in Willihelmus de Thiuesch perdetga
- 1285 figureschan Hugo e Wilhelm de Pultengia sco "ministerialis de Tivez"
- 1380 in migiur da Ryfaeren ei parsura dalla communitad
- 1390 semuossa mistral Peder da Cavorgia
- 1456 manifestescha la vischnaunca de Tivez egl annual
- 1555 secattan 66 habitadis el rodel dil tscheins communal, habitadis che sedistinguan cun: 45 casaments ( hofs ), 21 colonia

Ins sedamonda, co l'entira colonisaziun seigi sesviluppada. Probablamein ein ils emprems culti-vaturs vegni per liung dil Rein, da Valzeinza anenasi dil maun dallas Cavorgias ed han runcau Nislas, Gravas, Bigliel e Mulinez.

Fuss ei buca pusseivel che ulteriurs colonists fussen dai da Chischlatsch e Ragisch (Mompé- Medel) ensiviars la Muota da Stagias ed ils ins en da Vergera encunter Mutschnengia, ferton ch'ils auters ein i sur las duas vals vi, numnadamein: Val de Crusch e Val Gierm entochen els plats dil Plaun sogn Leci e da vart dretga e da vart seniastra dil dutg da Vallatscha ?

Ina secunda immigraziun ei sefatga sur il Crispalt (Cuolm d'Ursera); ils Gualsers ein arrivai empau allaga e quei duront il 12avel e 13avel tschentaner, els cun lur nums: Burger, Burkhardt, Jenny, Snider e

Zurggen. Ils trops vallesans ein secasai els fops dils spundivs: Bül, Müren, Mulimate, Platte, logs che secattan denter Rusas, Caspaua e Mulinatsch.

Igl ei fetg da supponer che la via sur Stagias eri gia fatga, cura ch'ils vischins neu da Medel ein vegni, sco per semeglia:

- de Medell, de Perdé,
- de sogn Gagl
- de Paly e Soliva (Oliva)

La immigraziun neu dalla Val Medel ha giu liug duront il 15avel ed il 16avel tschentaner. Pér suenter 2–3 tschentaners ein ils habitonts dils aults vegni giu sin las morenas sur il Rein.

Las datas sequentas resdan digl andament ella Val Tujetsch:

- 1857 cumpra la glieud da Tujetsch ora las alps dalla claustra da Mustér
- 1862/1863 erecziun dalla via sur il Cuolm d'Ursera
- 1926 ina viafier sur l'Alpsu
- 1956 implonts electric
- 1962 runals a Dieni ed a Valtgeva
- 1975 fin dalla arrundaziun dil funs, zonas ed uorden da baghegiar, il turissem digl unviern pren il surmaun, hotels e habitaziuns da vacanzas

### Indicaziuns da fontaunas

- Cudischs da batten e da lètgs egl archiv parochial Tujetsch
- Genealogia da Tarcisi Hendry e siu excerpt dil num HENDRY
- Genealogia da Toni Hendry (1905–1982)
- Iso Müller, cump. Die Wanderung, pag. 373 / 374
- Die katholischen Weltgeistlichen, GR, Cuera 1922, pag. 31
- Cudisch "d'underfands" 1751, 1806, archiv parochial Tujetsch
- Cudisch dalla pleiv, dumbraziuns 1768, 1791, archiv parochial Tujetsch
- Cudisch da lètgs 1696, il matrimoni da Joanem Herni e Julianam gion valentin cun las perdetgas da Ludivico Hendry e Mathea Herni
- Emigraziun tujetschina da Guglielm Gadola, Annalas 1936, sep.
- Giachen Martin Hendry (1832–1869) da pader Vigeli Berther, Ischi semestril 60, nr. 4, 1975
- Bündner im Ausland, Bündner Tagblatt 1929, nr. 40 (uestg Händly da Regensburg, Tiaratudestga, morts 1927, descendent dad ina famiglia Hendry da Tujetsch)
- Ischi 51, 1965, pag. 29: fuormas Heini, Hennj e Hendry
- Rätisches Namenbuch, luvrau ora da Konrad Huber, emprema part, Casa editura, Francke, Berna, 1968
- RN III, 1, pag. 174 da Felici Maissen
- Famiglia Schmid dil Plaun Cavorgia e ses descendents, scartira da 14 paginas, cumpilada da Theofil Schmid (1912–1990) e Giusep - Berther (1914)
- Notizias dallas schlattenas Hendry giun Baviera ed ella America, brevs
- Ils ovs da Pastgas, Tschespet 5, 1925, historias da Christoffel Schmid, Hendry d'Eichenfels, translaziun da Carli Fry
- Hendry Spescha (1928–1982) che fa da siu num Heinrich semplamein Hendry
- Cudischs da telefon en Savoia ed en Burgogna (Frontscha)
- Cudischs da telefon en Scozia, principalmein Edinburgh & Lothians
- Cudischs da telefon dalla Svizra
- Die Hendry Familien im Habbert's Familien Weltbuch 1993
- Intervestas numerusas cun vischinas e vischins dalla val ed ordeifer